



## **ORDENANZA FISCAL Nº 34**

ORDENANZA REGULADORA DA TAXA POLO SERVIZO DE APARCAMENTO NO PARKING ALDEA GRANDE

### **Artigo 1.- Natureza e Fundamento Legal**

No uso das facultades concedidas polos artigos 20 e 57 do Texto Refundido da Lei Reguladora das Facendas Locais, aprobado por Real Decreto Lexislativo 2/2004, do 5 de marzo, polo artigo 106 da Lei 7/85, do 2 de abril, Reguladora das Bases do Réxime Local, e de conformidade co disposto nos artigos 15 a 19 do citado Real Decreto Lexislativo, o Concello de Lalín acorda a imposición e ordenación da Taxa pola prestación do servizo de aparcamento no **“PARKING ALDEA GRANDE”, sito no subsolo do espazo libre existente entre as Rúas “CALZADA”, “B”, “PINTOR LAXEIRO”, “Z” E “AVDA. LUIS GONZÁLEZ TABOADA**, de Lalín

A través desta ordenanza regúlase a taxa polo servizo de estacionamento limitado no tempo do parking público “Aldea Grande”, que se aplicará tódolos días da semana, no horario que se fixe polo órgano competente do Concello de Lalín e que se exporá nun lugar visible ao público no recinto do aparcamento.

### **Artigo 2.- Feito imponible**

Constitúe o feito imponible desta taxa a prestación do servizo de aparcamento no parking “Aldea Grande” de Lalín.

### **Artigo 3.- Suxeitos pasivos**

Serán suxeitos pasivos desta taxa as persoas físicas ou xurídicas e as entidades ás que se refire o artigo 35.4 da Lei 58/2003, do 17 de decembro, Xeral Tributaria, que se beneficien do servizo de aparcamento. Estarán obrigados ao pagamento da taxa regulada nesta Ordenanza os condutores dos vehículos que accedan ó uso do aparcamento, sendo responsables subsidiarios do pago as persoas físicas ou xurídicas titulares dos mesmos.

Será requisito imprescindible para a saída de calquera vehículo o previo pagamento do importe da taxa devindicada.

### **Artigo 4.- Devindicación**

A devindicación da taxa regulada nesta ordenanza prodúcese:

-Tratándose do estacionamento de vehículos de duración limitada, a obriga de pagar a taxa regulada nesta Ordenanza nace dende que se inicia a prestación do servizo de aparcamento municipal, coa mera introdución do vehículo dentro do recinto do aparcamento.

-Tratándose do estacionamento de vehículos sen limitación na súa duración, periódicamente o día 1 de



cada mes (para a modalidade de abonos mensuais) ou no momento de solicitar e obter os vales ó portador.

### **Artigo 5.- Cota tributaria**

A cota tributaria é a cantidade resultante de aplicar as seguintes tarifas, que se esixirán conforme á seguinte escala por utilización horaria:

- A primeira hora, por cada minuto: 0,01667 €.
- A partir da primeira hora, por cada minuto adicional: 0,00667 €
- Máximo por día: 10,20 €
- Abono mensual por praza: 30 €
- Vales ó portador, con pago anticipado, expedido para comerciantes
  - talonario de 50 unidades de 60 minutos : 35 €
  - talonario de 10 unidades de 60 minutos : 7 €

*De luns a sábado, excepto festivos, na franxa horaria comprendida entre as 10:00 e 13:00 horas e as 17:00 a 20:00 horas ao servizo de aparcamento en rotación non se lles aplicará tarifa algunha, sendo a prestación do servizo gratuíta.*

A contía das tarifas desta taxa será exposta en lugares visibles á entrada e saída do aparcamento municipal.

Na modalidade de estacionamento rotatorio, no que a contía da taxa se establece por minuto de estacionamento, o cuantificación do prazo de tempo que serve de base para a determinación da tarifa será o resultado da diferenza entre a hora de retirada ou saída do vehículo e a hora de entrada do mesmo no recinto do aparcamento, segundo a tarxeta-ticket, expedida pola instalación de control de acceso.

Neste suposto, será requisito imprescindible a presentación da citada tarxeta-ticket para a avaliación do importe a satisfacer por esta taxa. No suposto de non presentar a tarxeta no momento de efectuar a saída do vehículo do recinto do aparcamento, a cuantificación da tarifa farase en función do tempo real de estancia, determinado a través do sistema de identificación de matrícula, día, hora e minuto de entrada, que ten instalado o aparcamento de conformidade coa normativa vixente.

### **Artigo 6.- Cobro da taxa.**

O pagamento da taxa efectuarase mediante recibo unha vez finalizado o servizo, no momento da saída do recinto do aparcamento, no caso de servizos por horas en estacionamento rotatorio.

Non obstante, cando se trate de abonos, o pagamento da taxa farase por adiantado no momento de formalizar o abono na Tesourería do Concello ou nas instalacións do propio aparcamento, sendo obrigatorio domiciliar o seu pagamento para as mensualidades sucesivas. Prorratearase a tarifa correspondente á primeira mensualidade, debendo abonar a cantidade correspondente a unha quincena cando a inscrición se realice a partir do día 15 do mes ou a mensualidade íntegra cando a inscrición se realice antes do día 15 do mes correspondente.



A declaración de baixa no servizo deberá formalizarse antes do día 25 do mes anterior, sendo a expedición do abono por meses completos.

Dita baixa será de oficio para aqueles participantes que adeuden dúas mensualidades, sen prexuízo do cobro dos recibos por vía executiva.

Cando un recibo domiciliado sexa devolto pola entidade bancaria, pagarase en efectivo na instalación ou nas dependencias da Tesourería municipal, no seu caso. Os abonados que non estén ao corrente do pagamento das súas cotas, non poderán acceder á instalación, pasando a causar baixa automaticamente cando non teñan pagado dous recibos consecutivos.

As débedas por esta taxa esixiranse polo procedemento de prema.

### **Artigo 7.- Normas de xestión.**

1.- Non poderán utilizar o aparcamento os camións e aqueles outros vehículos dos que as súas dimensións ou características fagan difícil a súa circulación polo interior ou dificulten a dos restantes usuarios do mesmo.

2.- Queda prohibido introducir no aparcamento substancias perigosas ou que poidan producir molestias ao resto dos usuarios.

3.- Prohíbese a realización de manobras que poidan causar danos ás instalacións do aparcamento ou ás persoas ou vehículos que se encontren no seu interior, así como calquera clase de actos que poidan perturbar o normal funcionamento do servizo.

4.- Os usuarios ocuparán co seu vehículo o lugar delimitado no chan do aparcamento, quedando prohibido invadir o espazo reservado ás prazas colindantes.

### **DISPOSICIÓN ADICIONAL**

Permitiranse realizar **campañas promocionais** coa finalidade de captar e fidelizar usuarios, dentro dos seguintes límites e sempre previa aprobación do Plan de Promoción pola Xunta de Goberno Local :

**Máximo de 1 campaña anual, cun límite temporal de aplicación de 1 mes**, durante a cal se poderán aplicar as seguintes **tarifas**, que se esixirán conforme á seguinte escala por utilización horaria:

- Os primeiros 60 minutos serán gratuítos en todo caso.
- A partir do minuto 61 ata o minuto 120, por cada minuto: 0,01667 €.
- A partir do minuto 121, por cada minuto adicional: 0,00667 €

### **DISPOSICIÓN FINAL**

*A presente modificación da ordenanza fiscal, entrará en vigor, unha vez aprobada con carácter*



*definitivo polo Pleno da Corporación o día seguinte da súa publicación definitiva no Boletín Oficial da Provincia e continuará vixente mentres non se acorde a súa modificación ou derogación.*